

SIN CHEW JIT POH

DATE: 05/10/1982

## Ucapan PM di PBB menarik minat dunia

Sin Chew Jit Poh 1 Oktober

UCAPAN sulung Perdana Menteri Datuk Sri Dr. Mahathir Mohamad di Perhimpunan Agung Pertubuhan Bangsa-Bangsa Bersatu (PBB) baru-baru ini telah menarik perhatian beberapa buah akhbar Cina terkemuka di negara ini. Ucapan beliau itu disifatkan sebagai wakil isi hati negara-negara dunia ketiga dan dianggap telah menarik minat seluruh dunia.

5 OCT 1982  
Akhbar ini misalnya berkata ucapan sulung itu mengandungi isi yang menyeluruh dan padat, dengan mengungkakan beberapa masalah utama di dunia ini, khususnya dalam bidang ekonomi dan politik antarabangsa.

"Datuk Sri Dr. Mahathir telah mengecam negara-negara maju yang mengamalkan dasar mengukuhkan kedudukan ekonomi diri sendiri dengan menggunakan bahan-bahan mentah dari dunia ketiga dan ini telah menyebabkan negara-negara dunia ketiga itu menjual maruah mereka untuk hidup.

"Kecaman-kecaman ini bukanlah dibuat tanpa sebarang asas yang konkrit. Negara kita adalah salah sebuah negara yang menjadi mangsa kepada dasar negara

maju tersebut.

"Satu contoh yang jelas ialah bahan-bahan utama keluaran Malaysia seperti getah, timah, minyak kelapa sawit dan seumpamanya mengalami kemerosotan harga yang menyedihkan. Akibatnya kita terpaksa mengeluarkan jumlah bahan utama yang tiga hingga lima kali ganda untuk mendapatkan barangan buatan negara maju.

"Di satu pihak, negara-

negara maju boleh menetapkan harga barangan buatan mereka berdasarkan kos pengeluaran dan pasaran, tetapi di pihak lain, negara-negara membangun terpaksa menanggung pengeluaran barang yang tidak menguntungkan. Di manakah keadilannya?

"Selain itu, negara-negara maju tidak mematuhi perjanjian yang dibuat di antara

mereka dengan negara-negara pengeluar. Perjanjian-perjanjian seperti Perjanjian Timah Antarabangsa (ITA) dan lain-lain tidak dapat mengawal kegiatan negara-negara pengguna dan dengan itu, kontrak yang ditandatangani adalah ibarat kertas yang tidak berguna.

"Satu contoh yang baik

ialah penarikan diri Amerika Syarikat daripada Perjanjian Keenam Timah Antarabangsa (ITA). Bukankah ini "perjanjian" yang hanya memenangkan negara-

negara maju dan merugikan negara-negara membangun, seperti yang disebut oleh Perdana Menteri Malaysia kita?

"Teguran-teguran Datuk Sri Dr. Mahathir yang bertujuan mengubati penyakit ekonomi dunia akan bergan-

tung kepada penerimaan negara-negara maju".

Dari segi politik pula, akhbar ini berkata pendirian Perdana Menteri yang dipertegas dalam perhimpunan agung PBB itu adalah "pendirian negara-negara yang menentang pencerobohan dan kekejaman".

Katanya, pendirian seperti itu sudah tentu akan disegani oleh negara-negara yang cinta akan keamanan. Dan ini akan mempertinggi imej negara kita.